

صاحب امتیاز :
احمد شیرانی



اعتصام

مدیر مسئول :
احمد شیرانی



عدد — ۵

واعتصموا

سنه — ۱

۲۲ ربیع الاول
سنه ۱۳۳۷

{ هفته‌ای لایق مجموعه اسلامیہ در . }

۲۶ کانون اول
سنه ۱۳۳۴

مسائل فقهیه

حسین منورلی شعبان افندی به جوابدر:

نماز و اوروجلرك ناصل قضا ایدیه جگنه دائر سور دیغکز - سؤالره اوچنجه نسخه
مزمده جواب ویرمش ایدك. اوچنجه دفعه کوندرمش اولدیغکز مکتوبكزده ویریلان
جوابلرك مأخذلرینی تعیین ایتمه منی ایسته بوسكز! قضای صلاوة حقنده کی مسئله نك
مأخذی دررو غرر ایله صراقی الفلاح حاشیه سی طحطاویدر. دررو غررك وقضاً
الفوائت بحثنه کندیكز باقه بیلیرسكز! یالکیز طحطاوینك یانکیزده بولنامه سی
احتمالنه مبنی عین بحثك خاتمهنده کی عبارتی بروجه آنی نقل و ترجمه ایدیورز:
« من لا یدری کیمه الفوائت یعمل با کبر رأیه فان لم یکن له رأی یقضى حتى ییقن
انه لم یبق علیه شیء » ترجمه سی:

« قضایه قالان نمازلرینك مقدارینی بیلمه یکن کیمسه؟ ظن غالبنه کوره عمل ایدر.
اگر کندوسنده بر ظن غالب حصوله کلبورسه عهدهنده قضا ایدیه جك نمازی
قالما دیغه دائر قناعت حاصل اولونجهیه قدر قضای صلاته دوام ایلر. »
قضای صومه عائد مسئله: کتب فقهیه نك هپسندنه وارد. یالکیز سؤال تفهمه
میدان قلمه مق ایچون بو مسئله نك بر نقطه سی برآز دهاها محتاج ایضاح کوریورز.
شوبله که قضا صومده « تنایع » یعنی اوتوز کون تمام اولونجهیه قادر کوندوزلری
افطار ایتمه نك شرط میدرد؟ بوقسه مثلاً بر کون امساك، دیگر کون افطار ایتمه
چار میدرد؟

علم خلافة بیان اولندیفی اوزره بو خصوصده فقهای کرام حضراتی اختلاف
ایتمشلردر. بعضاری تنایعك شرط اولدیغه، دیگر بعضاری ده شرط اولما دیغه
قائل بولنور. شرط قیلوب قیلماقی جهتنده اختلاف ایچدن فقهای عظام حضراتی
قضا اولنه جتی اوروجی بولنان کیمسه نك وفات ایدره نك بورجلی قالما سی احتمالنه
مبنی تنایع صورتیه قضا ایتمه نك فضل اولدیغندنه متفقدرلر. بزده بو جهتی
نظر دفته الهرق جوابی اكا کوره ویرمشدك. بوقسه افطارده رخصت شرعیه وارد.

اعتصام